



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 101. Quandonam liceat Sacerdoti, dare laico partem majoris suæ
hostiæ.

urn:nbn:de:hbz:466:1-42545

species extrahi. Azor, Suar. Quarti, Pasq. q. 315. n. 7. volunt bestiam cum speciebus comburi. Puto permitti posse, ut species in stomacho bestiarum consumantur, maxime si esset magnum animal, quod non facile posset occidi vel comburi, siue enim absumantur per ignem, siue per calorem stomachi animalis, non videtur esse major irreverentia.

506. Q. 99. Quid addendum sit circa indignum vel notum peccatorem, qui Communionem petit. R. Videri debent dicta à n. 137. & speciatim n. 159. dictum est hostiam non consecratam dari non posse alicui, nequidem ad vitandum scandalum: attamen n. 160. dixi talem posse tacite prateriri. Denique an & quando illi, qui fuit publicè peccator, possit publicè vel privatim dari Eucharistia, dictum est à n. 141.

507. Q. 100. Quid addendum sit circa ministrationem Eucharistiae pro aegris. R. De hoc dicitur à n. 604. quando de Viatico. Dixi autem n. 136. Parochum teneri Communionem deferre ad aegrum, si petat, etiam extra periculum mortis. Et de obligatione ac modo dandi Communionem praefatis, dixi à n. 484.

508. Q. 101. Quandonam liceat Sacerdoti dare laico partem majoris suae hostiae. R. Quando est rationalis causa. Putant quidem Grassi, Zanard. Zambran. non licere hoc extra necessitatem, sed melius contradicunt S. Anton. Sylv. Sa, Angel. J. Sanch Bonac. Barb Marchant. Possen. Diana, Dicast. d. 11. à n. 111. Aversa q. 10. l. 5. §. Tertiò. Tamb. de Comm. c. 6. §. 6. Gob. t. 3. n. 86. & t. 4. n. 410. Verj. t. 3. a. 12. quia Christus ipse hoc fecit, nec jam prohibitum est, neque ulla etiam est in hoc irre-

irreverentia aut indecentia : consuetudo autem contraria, seu non usus non obligat sub peccato, sed inde est, quod ordinariè habeantur etiam minores hostiæ, quæ si non sufficiant numero communicandorum, etiam dividi possunt in plures particulas, quarum singulæ dentur singulis. Rationabiles verò causas esse dicunt Authores citati, si quis habeat magnam devotionem ad communicandum, neque ipsi commodum sit expectare; si persona gravis aut nobilis velit tunc communicare, ut postea maturè se expediat ad negotia; si famuli non faciliè possint sinè officiorum dispendio expectare; si Sacerdos deberet diu expectare, ut ante oblationem afferretur parva hostiæ &c.

Q. 102. An laicus in Ecclesia latina sumere possit species vini consecrati. R. Posse pro extraordinariis casibus, uti jam declarabitur. 509.

§. 1. Quamvis aliqui dixerint, si Sacerdos ante sumptum sacrum Calicem deficeret, & deesset alius Sacerdos, qui Missam compleret, laicum non posse sumere species vini, sed potius permit- tendum, ut in acetum convertantur. Item, quamvis alii apud Suar. d. 71. §. 3. dicant, si species vini in terram decidant, nec tum licere laico lambere, sed debere permittere, ut siccentur, tumque radendum locum, & partes abrasas esse in sacram piscinam mittendas: Tamen meritò contradicunt in utroque Suar. Vsq. Con. Fagund. Dian. Lugo in Resp. mor. l. 1. d. 10. n. 3. Escob. l. 20. n. 463. Dicast. d. 10. n. 228. Leand. n. 410. Gob. t. 4. n. 27., quia si laicus sumat, plùs consulitur re- verentiæ, ob quam sumptio Calicis solo jure ec- clesiastico prohibetur laicis: Hinc etiam licitum